



Anna Wangenheim
Demokratit sinnerlugit Inatsisartunut ilaasortaq

§ 37 naapertorlugu apeqcutip nr. 225/2022-p akineqarnera.

Asasara Anna Wangenheim

Inatsisartut suleriaasianni § 37, imm. 1 naapertorlugu Naalakkersuisunut apeqcutinik saqqummiussaqaqputit. Naalakkersuisut. Naalakkersuisut apeqcutigineqartunut qujapput, taakkulu tullinnguuttuni issuarneqarput akineqarlutillu.

29-12-2022
Suliap normua 2022 - 25355
All. nr. 22031880

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

1. Nunatsinni kræfterlutik katsorsartittut Danmark-misut kræfterlutik katsorsartittut assinganik katsorsartinnissaminik periarfissaanik Naalakkersuisut suliniutitigut qanoq qulakkeerniarpaat?

Akissut:

Ulloq 6. december 2022-mi Peqqissutsimut Naalakkersuisup aalajangiinerata malitsigisaanik peqqinnissaqaqfimmik kræftimik katsorsaaneermik periarfissat annertusippat. Taamaalilluni nunatsinni napparsimasut kræftimut katsorsartinnissamut periarfissaat Danmarkimituulli najugallit pineqarnerattulli qaffasitsigisumik annertusineqarput.

Kræftimik katsorsaaneq sapinngisamik Nunatsinni suliarineqartarpoq. Nunatsinni katsorsaaneerit naammassineqarsinnaanngitsut Region Hovedstaden aqcutigalugu danskit napparsimasut katsorsarneqartarnerattulli neqeroorfigineqartassapput.

a. Katsorsartinnissamut periarfissani misiliutaasumik katsorsaaneerit ilaappat?

Akissut:

Aap, Danmarkimi napparsimasumut najugalimmut taamaaqataanik nappaatilimmut neqeroorfiginninnerup annertoqataanik.

b. Kalaallit kræftimik katsorsartittunut katsorsaariaatsit suut atussaneraat kiap aaliangissavaa?

Akissutit:

Nalinginnaasumik suleriaaseq imaappoq, napparsimasup, Nunatsinni nakorsap akisussaassup Danmarkimilu kræftimik nappaatinut immikkut ilisimasallip akornanni suleqatigiinnikkut, Nunatsinni, Danmarkimi imaluunniit piffinni taakkunani marluusuni katsorsaaneerup ingerlanneqarnissaa apeqcutaatinnagu kræftimik nappaatillit

katsorsarneqarnissamut periarfissaat naleqqussarneqartarpoq. Danmarkimi Region Hovedstadenimi napparsimasunut najugalinnut neqeroorutigineqartartumut siunissami katsorsaanermut neqeroorutigineqartarpoq naapertuutissaaq.

Naalackersuisut erseqqissaatigissavaat, tamatigut napparsimasup nammineq katsorsartinnissamut neqeroorut tunniunneqartarpoq tigorusunneraa aalajangertassammagu.

2. Suna tunngavigalugu annertunerusumik katsorsarneqartussat neqeroorfigitittarneq Tulleriissaarisarnermut ataatsimiitsitaliaq avaqqullugu ingerlanneqarnissaa Naalackersuisut aaliangersimappat?

Akissut:

Kræftimik katsorsaanerit annertusineratigut, Tulleriissaarinermut ataatsimiititaliami kræftimut katsorsartinneq pillugu suliaasat ataasiakkaat pisarnertut suliarineqarnissaat pisariaaruppoq. Allatut oqaatigalugu nakorsaq akisussaasuusoq, Tulleriissaarinermut ataatsimiititaliami sioqqutsisumik suliamik ingerlatsisoqanngikkaluartarpoq, kræftimik katsorsaanissamut periarfissanik ujaasisinnaavoq taakkualu aallartillugit.

a. Tamatumani katsorsarneqarnissamut neqeroorfigineqarnissaa nakorsat ataasiakkaani eqqoriaanikkut tunngaveqarluni isikkoqassappat, katsorsarneqarnissamut assigiimmik periarfissaqarnissaa Naalackersuisut qanoq qulakkiissavaat?

Akissut:

Katsorsartinnissaaq pillugu neqeroorut Tulleriissaarinermut ataatsimiititaliamit naliliineq nakorsat ataasiakkaat nalilersuinerannit taarserneqassanngilaq. Kræftimulli tunngasut katsorsarneqarnissaannut neqeroorutip nalinginnasumik annertusineqarnera pineqarpoq. Napparsimasup, Nunatsinni nakorsap akisussaassup Danmarkimilu kræftimik nappaatinut immikkut ilisimasallip akornanni suleqatigiinnikkut aalajangersimasumik katsorsaanissaaq pillugu neqeroorut suliarineqartarpoq.

3. Siornatigut Aningaasanut Inatsi immikkut konto pingaarnermik peqartarpoq (34.11.06) misileraalluni katsorsaanissamut. Eqqortumik paasineqassava konto pingaarneq taanna konto pingaarnerup 34.11.01 ataanut inissineqarsimanera, Nunani allani napparsimasunik katsorsaasarneq?

Akissut:

Akissummut Aningaasanut inatsimmut 2015-mut konto pingaarneq 34.11.01 Napparsimasut nunani allani katsorsarneqartarnerat, timikkut nappaatit (Ingerlatsinerimut aningaasartuutit) innersuunneqarpoq.

a. Konto pingaarnermi tassani misileraatigalugu katsorsaasarnermut ukiuni tallimani kingullerni aningaasat qanoq annertutigisut atorneqarsimappat?

Akissut:

Piffissamik sivisuumik nukiillu annertuut atorneqartussaammata Naalakkersuisut paasissutissat tunniussinnaanngilai, tamatumani peqqutaavoq Peqqinnissaqarfiup aningaasaqarnikkut aaqjissuusinermit aaneqarsinnaanngimmata tamatumanilu napparsimasut allattorsimaffii ataasiakkaarlugit misissorneqartariaqassammata.

b. Kræftimut katsorsarneqarnissamut periarfissat konto pingaarnermi 34.11.01 ataani periarfissaasunut sutigut allaaneruppat?

Akissut:

Kræftimik katsorsaanissamut periarfissaq annertusisaq imatut paasillugu immikkooruteqarpoq nalinginnaasumik katsorsartinnissamut maanna neqeroorutaalluni.

4. Kræftimut katsorsarneqarsinnaanerit periarfissatigut amerlinerisa kingunerisaanik nunatsinni nakorsanik peqqissaasunillu amerlanerusunik atorfinitsitsinissamut pisariaqartitsilernissaa Naalakkersuisut naatsorsuutigaat?

Akissut:

Naalakkersuisut ilisimatitsissutigisinnaavaat, kræftimik katsorsaanermut neqeroorut annertusisaq aallaaviatigut Kalaallit Nunaanni Peqqinnissaqarfimmi peqqissutsimut suliarnut sulisut akornanni amerlanerulernissaannik piunarsaqateqarnissaa nalilerneqanngimmat. Neqeroorumi annertusisami katsorsaanerit annertunersai Danmarkimi suliarneqartarnissai tamatumani pissutaavoq.

a. Taamaappat; Nakorsat peqqissaasullu immikkut piginnaasaat sorliit atuutissappat?

Akissutit:

Apeqquummut 4-mut akissut innersuussutigineqarpoq.

i. Atorfinitsitsinerit qanoq qulakkeerneqassappat?

Akissut:

Peqqinnissaqarfiup suliassaasa tamarmik isumagineqarnissaanut sulisussat pisariaqartut qulakkeerneqarnissaat Peqqinnissaqarfiup ingerlaavartumik sulissutigaa. Peqqinnissaqarfimmi sulisussarsiornermi sulisullu sulisorineqaannarnissaat ataavartumik ukkatarineqarpoq.

Naalakkersuisoq Peqqinnissaq pillugu ataatsimiititaliarsuup suliarnut (imm. UKA2019-98) naatsorsuutigisamik UPA2023-mi saqqummiunneqartussamut innersuussivoq. Ataatsimiititaliarsuaq peqqinnissaqarfimmi suleriaatsit ataatsimut pitsanngorsaaffiginissaannut innersuussutinik suliaqarpoq, pingaarnertigut sulisussarsiornermut, sulisut sulisorineqaannarnissaannut kiisalu Danmarkimi nunanilu allani suleqateqateqarnernut tunngasut. Isumaliutissiissut saqqummiunneqarpat sammisaq pillugu ataatsimoorluni politikikkut oqallisiginissat Naalakkersuisut qilanaaraat.

5. Kalaallit krøfterlutik napparsimasut Danmarkimi katsorsarneqarnerat aaliangerneqarpat Rigshospitalimiinngitsoq kisiannili allani katsorsarneqarnissaat Naalakkersuisut naatsorsuutigaa?

Akissut:

Kalaallit Nunaanni Peqqinnissaqarfiup Danmarkimilu Region Hovedstadenip akornanni suleqatigiinneq maannamut atuuttoq allannguuteqarnissaa ilimagineqanngilaq.

a. Taamaappat; Napparsimasut sumi najugaqarnissaat Naalakkersuisut naatsorsuutigaa?

Akissut:

Napparsimasut Nunatsinni najugallit, Danmarkimi katsorsarneqartut suli nangittumik Københavnimi Kalaallit Peqqissartut Illuani inissarsisinneqartassapput. Taamaattorli Kalaallit Peqqissartut Illuani inissaqarnikkut unammilligassaqartoq Naalakkersuisut ilisimaaraat. Napparsimasut akunnittarfiat inissaqartitsinngippat, napparsimasut avataani inissarsisitsinissaq atorneqassaaq.

6. Danmarkimi katsorsaariaatsit neqeroorutigineqartartut, nunatsinniillu krøfterlutik katsorsartikkiartortussanut neqeroorutigineqartartussat, qanoq sivilutisumik utaqqisoqarnerisut misissornissaat anguniarlugu danskit oqartussaqaarfii Naalakkersuisunit attavigineqarnikuunerlutik?

Akissut:

Napparsimasut amerlassusaat, kræftimik katsorsaanerit annertusissamut neqeroorummik ilaasussaq, qallunaanut ataqatigiissillugu annikitsunnguussasooq, Danmarkimilu utaqqisut allattorsimaffianut sunniuteqarnaviannitsoq Naalakkersuisut nalilerpaat. Napparsimasunut Danmarkimi najugalinnut periuseq atorlugu napparsimasut Kalaallit Nunaanni najugallit utaqqisut allattorsimaffianut ilanngutissapput.

7. Pineqartumut Naalakkersuisut allanik paasissutissiisinnaanerlutik?

Akissut:

Manna tikillugu katsorsaariaatsit arlallit Nunatsinni naammassineqarsinnaanngillat. Pisuni taakkunani napparsimasooq Danmarkimi katsorsarneqarnissamut neqeroorfigineqartarpoq. Tassunga atatillugu Peqqissutsimut Naalakkersuisup erseqqissarusuppaa, Peqqinnissaqarfimmi katsorsaanerit neqeroorutigineqartut tamarmik napparsimasup katsorsarneqarfiusullu akornanni suleqatigiinnertut ingerlasarmata. Katsorsarneqarnissaaq pillugu neqeroorut inuup tigorusunneraa, napparsimasup nammineq tamatigut aalajangertarpaa.

Med venlig hilsen
Inussiarnersumik inuulluaqqusillunga



Mimi Karlsen